

Polo, Dala Nyasaye Maber
 Sigana ma owuok kuom Wach Nyasaye,
 maen Muma Maler
 yudore e
 Yohana 14; 2 Jo-Korintho 5;
 Fweny 4, 21, 22

"Tiend wacheni koel, to kelo ler."
 Zaburi 119:130


19

20

21

22

Polo, Dala Nyasaye Maber



Ondike gi: Edward Hughes
 Piche ogor gi: Lazarus
 Alastair Paterson

Oloke e dholuo gi: Ouma Grace
 Otene gi: Sarah S.

Sigana mar 60 kuom 60

M1914.org

Bible for Children, PO Box 3, Winnipeg MB R3C 2G1 Canada

Laisens: Oyieni kopo kata goyo chapa sigana ni, to ok oyieni use.

23

Dholuo

Nyasaye ong'eyo ni wasetimo gik ma ok
 beyo, ma Oluongo ni richo. Msach richo en tho.

Nyasaye oherowa ahinya Ne ooro Wuode, Yesu,
 mondo otho e Msalaba mondo ochul kum marwa.
 Yesu nochier kendo nodok e Polo! Nyasaye
 koro nyalo weyonwa richowa.

Ka idwaro weyo timo richo to wachne Nyasaye kama:
 Nyasaye ma Jahera, ayie ni Yesu ne othona to sani
 ongima kendo. Akwayi mondo idonj e ngimana kendo
 iweni richona mondo abed gi ngima manyien chakre
 sani, kendo abed Kodi nyakachieng'. Konya mondo
 adag kaka Idwaro kang'eyo ni an Nyathini. Amin.
 Yohana 3:16

Som Muma Maler kendo wuo gi Nyasaye pile ka pile.

Kane Yesu odak e pinyka, nonyiso jopuonjrene
 wach Polo. Ne oluonge ni, "Dala Wuora", kendo
 nowacho ni nitiere udi mang'eny. Ot mane Yesu
 wuoyoe, en dala maber maduong'.
 Polo duong' ahinya kendo
 ber moloyo dala moro
 amora e piny ka.



Yesu nowacho ni, "Adhi mondo alosnu kar dak. Ka
 asedhi mi alosonu kar dak, to anaduog omou, mondo
 un bende udag Koda. Yesu nodhi e Polo bang' chier
 koa kuom joma otho. Yesu ne oter malo e polo ka
 jopuonjre ne ng'iye, mi olal negi nono e bor polo, ka
 girango kaka odhi.



1


2

Nyaka chakre kanyo, jo-Kristo osiko kaparo singo mane Yesu osingonegi ni obiro duogo omo joge. Yesu nowachoni obiro biro apoya nono kaji ok ong'eyo. To jo-Kristo ma otho ka Yesu pok oduogo to bet nade? Muma wacho ni gidhi achiel kachiel bedo gi Yesu. Bedo maonge kuom ringruok en dak kaachiel gi Ruoth.




3

Kitabu mogik e Muma Maler, ma en Fweny, nyisowa kaka Polo en kama ber miwuoro. To gima berie molooyo, en ni en kama ber ahinya, kar dak mar Nyasaye. Nyasaye ni kuonde duto, katakamano lochne ni e Polo malo.



4

Malaikhe gi chwech mag polo mamoko lamo Nyasaye me Polo malo. Kanyakla gi jo Nyasaye ma osetho modhi e Polo malo. Giwero wende mamit mag pak ni Nyasaye.




5

Eri weche moko ma oa e wer achiel ma giwero: IN EMA IWINJORI NIKECH REMBI EMA NE ING'IEWOGO NI NYASAYE JI MOA E DHOUDI DUTO KENDO MOA E OGENDNI DUTO MI IMIYO GIBEDO ROUDHI GI JODOLO MATIYO NI NYASACHWA. (Fweny 5:9)




6

Kalatese mogik e Muma Maler wuoyo kuom Polo kaka "Jerusalem Manyien". En kama duong' kendo duong' ahinya, gi ohinga mabor ahinya oko mare. Ohinga en mar kidi manengone tek kaka jasper, marieny karangi maler.




7

Mise mar ohinga mar dalano, nolos gi kite ma nengogi tek mopogore opogore marieny kendo mil miwuoro. Rangach ka rangach mar dalano nolos gi lulu achiel maduong'ahinya.




8

Dhorangeyego madongo mag lulu ok lor. Wadonj uru iye mondo warangie ... BER! Dalano olos gi dhahabu lilo, marieny ka rang'i. Kata yor dalano bende olos gi dhahabu.




9

Aora maber, mar pi ngima marieny ahinya mol koa e kom duong' mar Nyasaye. To e bath aorano koni gi koni, nitie yath mar ngima, ma ne okuongo yudore e puodho mar Eden. Yadhni en yath mowal ahinya. Onyago olembe kido apar gariyo, kit olemo mopogore dwe ka dwe. Pot yadhno mar ngima ema ithiedhogo ogendini duto.



10

Polo ok dwar chieng' kata dwe mondo omiye ler. Duong' mar Nyasaye pong'e gi ler maber miwuoro. Onge Otieno kata matin.



11

Kata le manie Polo opogore. Giduto gimual kendo gihero ji. Ondiegi gi nyithi rombe chamo lum kachiel. Kata sibuoche chamo lum kaka dhok. Ruoth Nyasaye wacho niya, "Ok gini hiny kata gimoro amora e Got Mara maler."



12

Kawarango malong'o, waneno ni nitiere gik ma ok yudre e Polo. Weche mag ich wang' ok winj kuno kata matin.



13

Onge ng'ama jagwondo kata ng'ama gore gi nyawadgi. Onge kifunde e dho udi, nikech jokwoge onge e Polo. Onge jomriambo, jonek, jojuogi, kata jok matimbegi galagala. Onge richo moro amora e Polo.




14

Onge pi wang' e Polo ka Nyasaye. Samoro, jo Nyasaye ywak nikech lit ma gineno e piny ka. E Polo, Nyasaye noywe pi wang'gi duto.



15

Kata tho bende onge e Polo. Jo Nyasaye nobed gi Ruoth Nyasaye nyaka chieng'. Kuyo, ywak, kata lit onge. Onge tuoche, onge goyo oriti, onge yik. Ji duto mor nyaka chieng' gi Nyasaye e Polo.




16

Maber mogik, Polo en mar nyiri gi yawuoyi (gi jomadongo bende) ma ose yie kuom Yesu Kristo kaka Jawar mar gi to kendo orito chikene kaka Ruodhgi. E Polo nitiere kitabu miluongo ni kitap Nyarombo mar ngima. Opong' gi nyinge ji. Be ing'eyo nyinge ji mondik e iye? Ji duto moketo geno gi kuom Yesu. Be nyingi ni kanyo?



17

Weche mogik e Muma Maler mawuoyo kuom Polo gin weche mabeyo mag luong moulungwa godo. "Roho gi Miahia wachoni, 'Bi! Ng'ama owinjo bende mondo owach ni 'Bi! To ng'ama riyo oloyo mondo obi oyud pi mar ngima nono, mak ochulo gimoro."



18